

林文忠公政书

林文忠公政书

中国书店



林则徐 著

林文忠公政书

中国书店

内 容 简 介

林则徐，谥号文忠公，清末著名政治家。本书收集了他居官所做奏稿一百五十一篇，分《东河奏稿》一卷，《江苏奏稿》八卷，《湖南奏稿》五卷，《使粤奏稿》八卷，《两广奏稿》四卷，《陕甘奏稿》一卷，《云贵奏稿》十卷。较为全面、系统的反映了林则徐的政治主张及其一生的政治活动，是一部研究中国近代史和林氏思想的重要资料。

1659/13

林文忠公政书

林则徐 著

•
中国书店 出版

新华书店首都发行所发行 三河新燕印刷厂印刷

•
850×1168 1/32 印张：9.375

1991年11月第1版 1991年11月第1次印刷

印数：0 001—3 000

IS BN 7-80568-310-7/D·5

定价：5.50 元

敘

後官林文忠公疏稿三十七卷。海內士大夫爭相傳誦。宗棠嘗取而讀之。有以知公生平居官行政之大略。如景星慶雲。照耀天半。郁郁然動人瞻仰。而不能已也。光緒甲申。宗棠奉命督師。重蒞閩嶠。距公之卒三十有六年矣。孫工部員外郎洵淑。丐宗棠敘憶道光己酉。公由演解組歸閩。扁舟迂道訪宗棠於星沙旅次。略分傾接。期許良厚。忽忽四十年。久欲一摠感念。而未得一當。是書之敘。何敢以不文辭。閒嘗論之。士生隆盛之世。位至疆圉。凡夫民生國計。輕重利病。罔非一心之貫注。而究其所以維國脈。而示後人者。祇落落數事而已足。嘉道以來。天下切要之政。莫如講求吏治。整頓錢漕。加意海防諸端。公之密陳僚屬考語。則曰。督吏莫先於自察。必將各屬大小政務。逐一求盡於心。然後能舉以驗屬員之盡心與否。其陳漕運利弊也。則有一本原。一補救。一本原中之本原。一補救中之補救。道光己亥庚子之歲。西夷英吉利稱亂粵東。公銜命查辦海口事件。修築虎門橫檔。各礮臺。鑿夷船於尖沙嘴潭仔洋官涌等處。斬賊甚多。夷目義律遁澳門。公慮夷人之竄擾鄰省也。疏請敕下閩浙江蘇各督撫嚴防海口。其陳夷性無厭。得一步卽進一步。若使威不能克。卽恐患無已時等語。皆洞悉奸諂如燭照數計。迄今數十年。談海防者必推公。天下無賢不肖。皆知公爲國朝名臣。非可企而及也。宗棠荷三朝知遇。屢膺重寄。自維服官臨民之際。未能希蹤先哲。今老矣。屬以法夷構釁。海疆多事。蒞公桑梓之邦。親歷各海口。見公所建礮臺形勢扼要。證以是書所云。益歎公忠誠體國。獨有千古然則公之傳固不必以是書。而是書已足以傳公矣。小輿迫促索敘。謹綴數言付之。軍書旁午。心緒茫然。刁斗嚴更。枕戈不寐。展卷數行。猶彷彿湘江夜話時也。

光緒乙酉仲春湘陰左宗棠敘於榕城皇華館

上諭

道光三十年十一月十二日。內閣奉上諭。前任雲貴總督林則徐。由翰林洊歷外任。疊蒙皇考簡膺疆寄。宜力有
年。上年剿辦雲南保山匪徒。調度有方。渥荷恩施。賞加太子太保銜。並賞戴花翎。旋因病請假回籍。朕御極之初。
知林則徐平素辦事認真。不避嫌怨。疊經降旨宣召來京。嗣以廣西匪徒滋事。特授爲欽差大臣。頒給關防。令其
速赴軍營剿辦。前據馳奏。已由本籍起程。方冀迅掃邊氛。以綏南服。茲據徐繼畲馳奏。該大臣沿途勞頓。舊疾復
發。於廣東潮州途次。遽爾溘逝。念其力疾從戎。歿於王事。覽奏殊深悼惜。林則徐著加恩晉加太子太傅銜。照總
督例賜卹。歷任一切處分。悉予開復。應得卹典。該衙門察例具奏。伊子編修林汝舟。文生林聰彝。文童林拱樞。均
著俟服闋後。由吏部帶領引見。候朕施恩。欽此。

諭祭文

維咸豐元年四月丁巳朔。越祭日乙丑。皇帝遣福建鹽法道戴嘉穀。諭祭於晉贈太子太傅。原任雲貴總督林則徐之靈曰。朕維文武兼資。徧寄八州之重任。忠清共見。洵爲一代之良臣。勤施已著於先朝。倚畀方殷於統帥。郵章告逝。奠筭增悽。爾晉贈太子太傅。原任雲貴總督林則徐。著署起家。蘭臺擢秩。握文枋而疊收楨幹。膺察典而出領湖山。當皇考之初基。擇賢臣而特簡。觀河淮右。陳臬蘇垣。適值居憂。令要工之監理。許其終制。輟權事於鹺綱。泊乎秉憲關中。建藩白下。載更楚豫。重莅秣陵。重念金隄。命持玉節。旋寄撫循於吳會。晉膺總制於鄂城。入覲陳謨。荷中禁鳴騶之寵。銜恩奉使。宣巖疆遠馭之威。雖控制偶疏。難辭薄罰。而宣防永固。用贊成功。爰卽沙漠之行。俾任屯田之事。成勞甫著。拜京卿而暫領西陲。舊秩彌光。由關隴而總司南服。時值蟻羣久鬪。鯨擘未除。速運兵機。彌渡快先聲之奪。進綏蠻徼。捷書奏永靖之功。懋錫宮銜。榮頒吉羽。方壯猷之是賴。倏貞疾以引歸。朕嗣統之初。在廷交薦。側席望來朝之旆。屢降溫綸。頒符倚蕩寇之勳。欣聞行騎。方冀旄頭迅落。像寫麟圖。何期箕尾遽歸。識成馬革。念致身於王事。稽卹典於春官。宮傳崇加。後昆儲選。綜生平之不避嫌怨。宜恩施之備極哀榮。嗚呼。瑤尊式奠之時。眷深一德。丹旒還鄉之日。氣壯三山。惟爾有靈。定應來格。

御碑文

朕惟經文緯武。端資柱石之良。崇德報功。式煥旂常之色。既歆香於雕俎。宜紀實於貞珉。爾晉贈太子太傅。原任雲貴總督林則徐。敷歷有年。靖共匪懈。初升芸館。文枋頻持。旋晉柏臺。監司洊擢。陝分左右。用覘時臬之陳。賦重東南。歷試旬宣之任。資保障。則流安清濟。莅封圻。則政治蘇臺。迨揚三楚之旌麾。彌荷九重之簡畀。丹毫錫詔。俾修入覲之儀。紫禁馳銜。命代趨公之步。爰臨朝而授節。遂乘傳而視師。雖圖夷務於粵洋。機宜未協。而靜妖氛於滇海。調度有方。太保班崇。階晉青宮之選。元戎績懋。冠加翠羽之華。蠶懷受寵。而如驚。病體積勞。而遽退。茲以邊陲小醜。敢肆跳梁。因思社稷老臣。用資奮鉞。迺踰閩嶠。而風趨長路。竟抵潮陽。而星落前軍。堪憐力疾。以從征。深歎膚功之未奏。進銜宮傳。示卹典之優隆。賜諡文忠。象生平之節概。悉予蠲除。夫往咎。仍將延賞於後昆。於戲。宣力兩朝。牙纛重干城之望。銘勳百禩。鼎鐘增泉壤之光。樹此豐碑。欽茲異命。

林文忠公政書目錄

東河奏稿一卷

補授河督謝恩並陳不諳河務下忱摺	一
接篆謝恩摺	二
驗催運河挑工並赴黃河兩岸查料摺	三
查驗豫東各廳垛完竣摺	四
查勘商虞廳料垛被燒分別辦理摺	六
覆奏訪察碎石工程情形摺	七

江蘇奏稿卷一

奏報到蘇接篆日期摺	九
請定鄉試同考官校閱章程並預防士子勦	
襲諸弊摺	一〇
附奏資送流民片	一三
密陳司道府考語摺	一三
會奏查議銀昂錢賤除弊便民事宜摺	一四
江蘇奏稿卷二	
驛站餘贖銀兩展限提解片	一七

目錄

江蘇奏稿卷三

新漲沙洲承買報部有案請仍准買執業摺	一八
上元江寧等六縣沿江地方被淹請撫恤摺	二〇
太倉等州縣衛幫續被歉收請緩新賦摺	二一
江蘇陰雨連綿田稻歉收情形片	二二
覆奏查辦災賑情形摺	二六
籌挑劉河白茆河以工代賑摺	二九
江蘇省各屬捐賑情形片	三一

江蘇奏稿卷四

各屬拏獲兇盜要犯分別審辦情形片	三二
驗收劉河挑工並出力人員請獎摺	三三
協辦浙塘條石動款摺	三五
會奏白茆河挑工驗收并出力人員請獎摺	三六
彈壓水手情形片	三八
回空漕船全進橫閘彈壓安靜摺	三九
會奏官銅商辦運洋銅請復舊章摺	四〇

一

江蘇奏稿卷五

蘇省並無洋銀出洋摺……………四一

勘估寶山塘工摺……………四三

劉河節省銀兩撥挑七浦等河摺……………四五

籌議新漕事宜摺……………四六

江蘇奏稿卷六

親勘海塘各工片……………四九

籌辦通漕要道摺……………五〇

會奏道光十年以前積欠銀米麥豆穀石請

豁摺……………五三

江蘇奏稿卷七

會奏各州縣墊完民欠銀米請豁摺……………五五

會奏各屬墊完民欠銀米情形片……………五七

驗收寶山縣海塘工程摺……………五八

驗收蘇松太等處水利摺……………六〇

通州捐挑河道片……………六一

江蘇奏稿卷八

覆奏稽查防範回空糧船摺……………六二

鹽城豐縣兩處借項修築河堤摺……………六四

各屬民欠攤徵借辦工程銀兩請豁摺……………六五

漕費禁給洋錢摺……………六七

湖廣奏稿卷一

設法疏銷淮引片……………六八

銅船夾私越卡摺……………六九

附奏獲私變價按引提課片……………七一

審擬監利縣糧書抗土關局各情摺……………七一

湖廣奏稿卷二

稽察堤工總局申禁冒稱書吏片……………七六

籌防襄河隄工摺……………七七

襄陽一帶緝私事宜摺……………七八

閱兩湖營伍並苗寨情形摺……………七九

控制鎮筸兵勇並察看各提鎮優劣片……………八一

湖廣奏稿卷三

整頓鹺務摺……………八三

湖南提督移駐辰州摺……………八八

籌款生息防守襄隄摺……………八九

湖廣奏稿卷四

籌議嚴禁鴉片章程摺……………九〇

鶴峯長樂食鹽專配大寧場以免侵越摺.....九七

湖廣奏稿卷五

查勘江漢隄工摺.....九九

查拏煙販收繳煙具情形摺.....一〇一

錢票無甚關礙宜重禁吃煙以杜弊端片.....一〇二

嗣後辦災應將蠲緩田畝細冊隨膾黃榜示片.....一〇四

江漢安瀾隄防鞏固摺.....一〇五

恭報抵粵日期摺.....一〇七

使粵奏稿卷一

附奏粵省鴉片情形片.....一〇八

會奏夷人躉船鴉片盡數呈繳摺.....一〇九

附呈諭夷原稿並夷稟二件.....一一一

附奏夷人現繳鴉片請暫緩斷絕茶葉大黃片.....一一三

使粵奏稿卷二

會奏收繳鴉片已逾十分之八即乘勢清理東路摺.....一一四

覆奏夷商查噸實已回國現查夥黨一併驅逐片.....一二六

會奏夷船呈繳鴉片一律收清摺.....一二七

附奏夷人帶鴉片罪名應議專條夾片.....一二八

覆奏查察虎門排鍊礮臺摺.....一二〇

使粵奏稿卷二

會奏銷化煙土已將及半情形摺.....一二二

奏參因循不振之鎮將分別勒休降補摺.....一二五

附奏東西各洋越竄夷船嚴行懲辦片.....一二六

會奏銷化煙土一律完竣摺.....一二七

會奏夷船互市情形並空躉開行隻數摺.....一二八

使粵奏稿卷四

會奏續獲人煙槍具摺.....一三〇

滙陳民間煙土槍具仍宜收繳片.....一三一

會奏擬具檄諭英吉利國王底稿恭候欽定摺.....一三四

擬諭英吉利國王檄.....一三五

使粵奏稿卷五

附奏新頒夷人治罪專條內請酌易字樣片.....一三七

會奏巡緝營員訪有劣蹟請革審摺.....一三八

會奏英夷抗不交兇嚴斷接濟查辦情形摺……………一三九

使粵奏稿卷六

英吉利領事義律寄澳門西洋兵頭信……………一七一

西洋兵頭回信……………一七一

會奏巡閱澳門情形摺……………一四四

英吉利夷官吐密致西洋兵頭信……………一七二

會奏諭辦英夷情形摺……………一四六

西洋兵頭回信……………一七二

覆奏責令夷人出結甫經遵依片……………一四八

吐密又寄西洋兵頭信……………一七二

會奏英國躉船奸夷現已驅逐並飭取切結情形摺……………一四九

西洋兵頭回信……………一七三

覆奏會望顏條陳封關禁海事宜摺……………一七四

兩廣奏稿卷二

使粵奏稿卷七

尖沙嘴官涌添建礮臺摺……………一七六

會奏穿鼻尖沙嘴疊次轟擊夷船情形摺……………一五一

請改大鵬營營制摺……………一七八

會奏察看英夷反覆情形遵旨不准交易摺……………一五五

焚剿夷船擒獲漢奸摺……………一八〇

會奏請將高廉道暫駐澳門查辦夷務片……………一五七

查獲汛弁黎祥光等串詐客船片……………一八二

使粵奏稿卷八

追奪張石氏誥封摺……………一八五

覆奏遵旨體察漕務情形通盤籌劃摺……………一五八

兩廣奏稿卷三

英夷續來兵船情形片……………一八六

會奏遵旨宣布英夷罪狀並設法驅逐該國船隻出口摺……………一六六

英夷兵船情形片附夷帖……………一八七

兩廣奏稿卷一

抄錄夷帖……………一八八

燒燬匪船以斷接濟摺……………一六八

嚴辦煙案栽贓人犯片……………一八九

密陳駕馭澳夷情形片……………一六九

英夷兵船移泊校椅沙情形片	一九〇
議覆集紹本條陳捕盜事宜摺	一九〇

兩廣奏稿卷四

英逆兵船續籌剿堵摺	一九二
密探定海夷情片	一九三
關開地方礮石洋面疊將逆夷擊退摺	一九四
議覆圍練水勇情形摺	一九六
密陳夷務不能歇手片	一九七

陝甘奏稿一卷

番務完竣赴任日期摺	一九九
請將渭南縣余炳燾量加鼓勵摺	二〇〇
籌議銀錢出納陝省礙難改易摺	二〇一
酌籌平糶量撫極貧片	二〇三
覆奏部議陝甘捐輸經費再行詳覈摺	二〇四

雲貴奏稿卷一

覆奏漢回情形片	二〇六
審辦雲州等處漢回各匪摺	二〇七
附審辦回民丁燦庭京控案片	二一〇

雲貴奏稿卷二

審擬湯丹廠漢回互鬪各犯摺	二一三
姚州白井漢回互鬪大概情形摺	二一七
甄別鹽提舉州縣各員摺	二一九

雲貴奏稿卷三

飭提永昌京控人證未據報解情形片	二二〇
籌辦永昌哨匪起程日期摺	二二一
生擒彌渡匪犯審辦摺	二二四
續獲彌渡匪犯審辦摺	二二七

雲貴奏稿卷四

保山哨匪輸誠獻犯仍飭嚴拏摺	二二八
覆奏永昌漢回情形片	二三〇
審辦倡亂妖匪金混秋摺	二三一

雲貴奏稿卷五

審辦保山哨匪並酌撤官兵摺	二三五
順途校閱營伍并酌改營制摺	二四〇
甄別知府各員摺	二四一
調補永昌知府摺	二四二

雲貴奏稿卷六

拏獲歷年拒敵官兵匪犯審辦摺	二四三
拏獲疊次搶劫焚擄各匪犯懲辦摺	二四六
續獲保山哨匪審辦摺	二五一

雲貴奏稿卷七

覆奏保山匪案並無劣員調處片	二五三
審出前次永昌戕害備弁匪犯挖心致祭片	二五五
審明了燦庭等兩次京控摺	二五六
雲貴奏稿卷八	
彌渡出力員弁請獎摺	二六一
審明迤西續獲匪犯就地正法片	二六二

審辦姚州滋事匪犯摺	二六三
-----------	-----

雲貴奏稿卷九

迤西移改協營添設汛兵摺	二七〇
查勘礦廠情形試行開採摺	二七四

雲貴奏稿卷十

勦辦騰越廳邊外野夷情形摺	二七九
他郎廳新礦酌更營汛摺	二八一
訪獲他郎廳廠匪黃應倡等大概供情摺	二八四
保山縣城內回民移置官乃山相安情形摺	二八五
密保永昌府張亮基片	二八七

林文忠公政書

東河奏稿一卷

補授河督謝恩並陳不諳河務下忱摺

奏爲恭謝天恩。並瀝陳不諳河務。惶悚恐懼下忱。仰祈聖鑒事。竊臣於十月十九日。奉兩江督臣陶澍行知。准吏部咨。欽奉上諭。河東河道總督員缺。著林則徐補授。卽赴新任。毋庸來京請訓等因。欽此。臣謹卽恭設香案。望闕叩頭。虔謝天恩。伏念臣以至愚極闇之資。仰蒙聖主鴻慈。用至藩司。由河南調任江寧。甫經兩月。正恐未能稱職。時切冰兢。茲復渥荷恩綸。擢畀總河重任。臣自顧何人。疊膺隆遇。雖捐糜頂踵。不足仰答高深。感激涕零。莫能言狀。惟思河工脩防要務。關繫運道民生。最爲重大。河臣總攬全局。籌度機宜。必須明曉工程。胸有把握。始能釐工剔弊。化險爲平。而道將廳營。皆得聽其調度。非分司防守之員。事有稟承者可比。臣先由翰林御史。外擢浙江杭嘉湖道。本未經習河工。迨道光二年。奉旨補授江南淮海道。雖有兼河之責。但自是年十二月二十四日到任。至次年正月初七日。卽已蒙恩升授江蘇臬司。計在任不及一月。又值歲暮停工之際。不特河防形勢。未及講求。卽土埽各工做法。亦未目覩。至五年閒。奉旨赴高家堰催工。爲時約有數月。而所見祇係砌石。所司祇係督催。並未經手工程。於河務仍屬閼隔。今若驟膺總河重任。旣不明於形勢。卽不審於機宜。縱使趕緊研求。已屬緩不及事。且河工尤以杜弊爲亟。必先周知其弊。乃可嚴立其防。臣具有天良。固不敢不認真稽察。然能自矢不欺之念。終無不受人欺之明。平時未曉工程。難瞞通工耳目。若蒞任之始。措置有乖。狡獪之徒。卽皆生心嘗試。況河工事務。與地方不同。地方有利當興。有害當除。所見未真。可待從容察看。縱一時一事。受人朦蔽。而挽回補救。猶可徐圖。河工事多猝來。計不旋踵。苟胸無定見。一事被朦。毫釐之差。卽成千里之謬。若以爲盡不可信。動輒駁飭。則又恐

是非顛倒。緩急混淆。設或猝遇險工。束手無策。游移牽掣。致失機宜。彼時即將臣從重治罪。在臣之一身。固不足惜。而糜帑病民。貽誤河防大計。上何以對君父。下何以對生靈。一念及此。不勝股慄。此臣所以輾轉思維。有必須量而後入。不敢貿然從事者。古稱陳力就列。又云。學而後入政。臣於地方政務。雖亦力所難勝。究曾學習十年。尚冀勉圖報效。若河工全未諳悉。何以設施。聖明之前。萬不敢有一毫欺飾。與其將來貽悞。莫若據實瀝陳。伏乞皇上格外垂慈。鑒其愚昧。俯允將河東河道總督一缺。另賜簡放。以重河防。此時幸在霜降水落之後。前任河臣嚴烜。尚未離任。仍可候旨遵行。再臣先經督臣陶澍傳奉諭旨。總司江北賑撫事宜。飭往災區。周歷履勘。臣遵即先赴附近省城各縣。往來稽查。仍聽候督臣委員代理藩司事務。旋經督撫臣奏明。飭俟鹽巡道葆謙。提調文閣事竣。將藩署事件。移交代印代行。再往淮揚查勘等因。臣於災務事宜。業經頒發章程。正在移交出省。茲江寧藩司一缺。已蒙簡放。有人。臣無署中兼顧之事。更可專心賑務。藉以勉竭駑駘。現仍欽遵前奉諭旨。周歷淮揚一帶。查勘督辦。斷不敢稍圖暇逸。自外生成。所有微臣感激悚懼下忱。不揣冒昧。謹據實具奏。叩謝天恩。伏乞皇上聖鑒訓示。臣無任戰慄屏營。惶悚待命之至。謹奏。

接篆謝恩摺

奏爲恭報微臣接篆日期。叩謝天恩。仰祈聖鑒事。竊臣恭荷恩綸。擢任東河河督。當經具摺虔謝天恩。嗣由江南起程。遵旨即赴新任。復經恭摺奏報在案。茲於山東途次。接奉硃批。一切勉力爲之。務除河工積習。統歸誠實。方合任用。盡職之道。朕有厚望於汝也。慎勉毋忽。欽此。又於夾片內。奉硃批。當今外任官員。清慎自矢者。固有其人。而官官相護之惡習。牢不可破。此皆係自顧身家之輩。因循苟且。尸祿保身。甚屬可惡。記曰。官先事。士先志。其可忽諸。欽此。臣跪讀之下。仰見皇上設誠務實。澄敘官方。訓誡諄諄。要在挽回積習。臣雖愚昧。具有天良。每念一介寒微。渥被聖明知遇。苟志存溫飽。念重身家。是已失讀書致用之本心。更何以仰酬君上。是以臣受恩愈重。悚懼愈深。夙夜捫衷。惟矢此不敢欺之一念。任難勝而心務盡。才未逮而守必嚴。且近閱邸抄。伏讀上諭。各直省督撫。

宜潔己奉公。尤須正色率下。倘正己而不能率屬。則是形同木偶。於地方有何裨益等因。欽此。聖諭煌煌。至爲明切。况河工積習。尤所熟聞。將欲力振因循。首在破除情面。臣惟有自持刻苦。不避怨嫌。以防意者防川。以糾心者糾吏。務冀弊除帑節。工固瀾安。以仰副聖主委任提撕之至意。現於十二月初七日。行至鄆縣地方。准前任河臣嚴烜飭委署臣標中軍副將穆奠邦。運河同知朱長垣。恭齋河東河道總督關防。移交前來。該處距任所六十里。臣卽於是日至署。恭設香案。望闕叩頭。恭謝天恩。祇領任事。所有應辦一切事宜。容臣查核案卷。悉心講求。周歷履勘。隨時奏請訓示遵行。所有到任日期。除恭疏題報外。理合繕摺具奏。伏乞皇上聖鑒。謹奏。

驗催運河挑工並赴黃河兩岸查料摺

奏爲驗催運河挑工。統計已完六分。現仍督飭價辦。臣卽赴黃河兩岸查料勘工。恭摺奏祈聖鑒事。竊照東省運河挑工。截至正月初六日。已辦三分有餘。經臣於奏報摺內聲明。親往驗催。旬餘以來。周歷沿河工次。南至滕汛之十字河一帶。北至汶上等汛塘長各河。挨次履勘。凡已經挑完工段。除出土外。其鑿鑿大塊堅冰。疊疊山積。詢之士人。僉稱歷年河凍。未見如今年之厚。是以挑工之費力。器具之損傷。亦較往年加至數倍。臣目覩現挑之處。先須鑿起兩三層冰塊。或將凍土打鬆。然後得施舂搗。及至挑動之後。不免滲水。雖經隨挑隨戽。而隔夜卽又凍結。昨已節交雨水。河冰尙在堅凝。其貼邊墊厓之積弊。因土凍不能膠黏。已無所施其伎。臣當將所挑寬深尺寸。逐段丈量。驗其灰印誌椿。均相符合。尙無偷減情弊。惟沿堤出土之路。漸被泥漿拋撒。逐條凍積。名曰泥龍。往往工段挑完。而泥龍尙未除淨。雖據各汛員弁稟稱。向係全工完後。一律起除。但日積日多。挑運更爲費事。且一經春雨。更恐沖入河心。臣復嚴飭工員。押令夫役。凡挑完一段。卽起淨一段泥龍。其已挑未淨之處。官差夫頭。均先量予懲責。並因鉅嘉汛主簿督挑工。內有稍偏於東岸之處。雖量明丈尺無差。並非弊竇。但不居中挑挖。側注一邊。則靠西淺處。誠恐日久積淤。河身遂窄。不可不防其漸。現值價工緊急之際。臣先將該汛主簿徐恂摘去頂帶。責守督夫加挑。展寬丈尺。務使一律均勻。俟工竣時。查驗如果協宜。給還頂帶。倘不如式。立卽咨革示儆。茲截至

正月二十一日。統計各汛。挑有六分工程。此後天氣融和。施工自易爲力。臣因黃河各廳。購辦物料。亟應親往查驗。並有督催土工。勘辦春廂事宜。均難延緩。卽於拜摺後。由濟起程。前赴豫東黃河兩岸。周歷履勘。惟查歷屆驗料。往返不過半月。臣於河務未能諳悉。必得將各工形勢。細加體察。諮訪研求。每到一工。卽不敢忽略走過。且思料物。爲修防根本。果皆堆垛結實。防險當自裕如。若查料之時。稍任以虛作實。以舊作新。則冒項誤工。卽無有甚於此者。臣惟有細加拆驗。計束稱斤。總當從實從嚴。不敢稍爲將就。但歲添兩料。共有七千餘垛之多。逐一親查。卽不免多需時日。其運河未完挑工。一時不及兼顧。惟當責成運河道。往來量驗。並督飭廳營汛。聞安速償挑。現在只餘四分工程。自可依限。全完不誤。啓壩鋪水。臣仍隨時密加稽察。如有草率偷減。卽行據實嚴參。不敢稍有徇隱。所有運河挑工。已完分數。並臣現赴黃河。查驗工料緣由。理合恭摺具奏。伏乞皇上聖鑒。謹奏。

查驗豫東各廳垛完竣摺

奏爲豫東黃河各廳料物。查驗完竣。並將辦理未能盡善之廳員。請旨撤任。責令翻堆賠補。以杜弊混。仰祈聖鑒事。竊臣於本年正月間。驗過運河挑工之後。卽於二十二日。由濟起程。稽查黃河兩岸料物。當經恭摺。奏蒙聖鑒在案。旋由北岸之曹考廳上堤。查至上游黃泌廳。問渡而南。循順東行。復從歸河渡過北岸。查驗下游之曹河糧河二廳。計時一月有餘。業經竣事。竊思稽料。爲修防第一要件。卽爲河工第一弊端。前次荷蒙特派欽差。查出虛鬆殘朽等弊。降革示懲。俾在工大小官員。咸知儆惕。臣仰膺簡任。且疊蒙訓示諄諄。辦工雖尙未諳。查料必先覈實。到任以來。講求訪問。因知堆料積弊。更僕難終。蓋料物應貯於有工處所。而河堤地段。本不甚寬。兵夫堡房。既經林立。積土雜料。又復紛紜。秫秸每垛。長至六丈。寬至一丈五尺。占地已多。故堤頂未能盡堆。惟頭一層在堤上者。謂之門垛。其餘則爲灘垛。爲底廠。大抵門垛。近在目前。多屬完整。灘垛底廠。卽爲掩藏之藪。最易朦混。其顯然架井虛空。朽黑霉爛者。固無難一望而知。更有理舊翻新。名曰併垛。以新蓋舊。名曰戴帽。中填碎料雜草。以襯高寬。旁插短節稽根。以掩空洞。若非抽拔拆視。殊難悉其底裏。臣周歷履勘。總於每垛夾檔之中。逐一穿行。量其高